



Uunga
Inatsisartuni ilaasortaq
Tillie Martinussen
Suleqatigiissitsisut

Kalaallit Nunaanni Eqqartuussisarneq pillugu § 37 naapertorlugu apeqqutinut nr. 185-2018-imut (siusinnerusukkut nr. 146-2018) akissutit.

09-08-2018
Suliap nr. 2018 - 14577
Akt. id. 8272537

Asasara Tillie Martinussen

Kalaallit Nunaanni Eqqartuussisarneq pillugu apeqqutinnut qjanaq, taakku uanga susassaqarfinni akineqartussangorlugit innersuunneqarsimapput. Apeqqut nr. 146 aamma nr. 185 ataatsimoortillugit akineqassapput, taakkumi assigiipput.

Postboks 260
3900 Nuuk
Oqarasuaat: (+299) 34 50 00
Naqitanik nassitsigasuaat +299
34 66 66
E-mail: iniiian@nanoq.gl
www.naalakkersuisut.gl

- 1. Naalakkersuisut pilersaaruteqarnerlutik Inatsisunik Atortitsinermut Ministereqarfik aperissallugu sunik pilersaaruteqarnerisut kalaallit illersuisut ikiorniarlugit taakku immikkoortumi susassaqarfimminni suliassaqarpallaarnerat pissutigalugu?**

Taamanikkut Naalakkersuisuusimasut 2017-imi ukiakkut Inatsisunik atuutsitsinermut suliassaqarfimmi periusissatut suliniutissanullu pilersaarut akuersissutigivaat, tassani Kalaallit Nunaanni inatsisunik atuutsitsinermut suliassaqarfimmi pitsangorsaanissamat kissaatigisat arlallit allaaserineqarput. Periusissamat tassunga atatillugu pingaarnersiukkanut allattuiffimmik sanasoqarnikuuvoq, taannalu ingerlaavartumik nutarterneqartarpoq. Pingaarnersiukkanut allattuiffik nutaaq qanittukkut maannakkut Naalakkersuisuusunit akuersissutigineqarpoq aamma Inatsisartut Inatsisinut Ataatsimiititaliaanut ilisimatitsissutitut nassiunneqarluni. Periusissatut suliniutissanullu pilersaarummi ilaatigut illersuisunut atugassarititaasut aamma pinerluttulerinermi inatsisitigut isumannaatsuunissaq pillugu suliniuteqartoqarpoq (suliniut nr. 2). Inatsisinut atuutsitsinermut susassaqarfimmi immikkut allanik pilersaarutinik akuersissuteqartoqanngilaq.

- 2. Naalakkersuisut pilersaaruteqarnerlutik Inatsisunik Atortitsinermut Ministereqarfik aperissallugu sunik pilersaaruteqarnerisut pinerluttulerinermi inatsisitigut isumannaatsuuneq nukittorsarumallugu, sualummik eqqarsaatigalugu siunnersuisartunik ikiuuttussanillu immikkoortortanik pilersitsinissaq - immaqaa angalasartoqatigiinnik pilersitsinikkut ukiumut marloriarlutik, pingasoriarlutik sisamariarlutilluunniit angalasartussanik, nunami maani inuinnaat ilinniarsimangitsut eqqartuussivinni atorveqartut ikiorniarlugit?**

Apeqqut 1-imut akissut takuuk.

- 3. Naalakkersuisut pilersaaruteqarnerlutik Kalaallit Nunaanni politiit, pinerluuteqarsimasunut inissiisarfitt aamma eqqartuussivik pillugit**

ukiumoortumik nalunaarusiortalernissaminnut taakkunani pissutsit pillugit, siunertaralugu nassuiaasiortarnissaq taamatullu siuariaatinik kinguariaatinullu benchmarkertarnissaq Siunertaralugu politiit, eqqartuussiviit, mattussiviit il.il. iluanni ajornartorsiutit ataatsimoortumik allaaserisalernissaat?


Naamik, maannakkut pilersaaruteqartoqanngilaq.

- 4. Naalackersuisut tigussaasumik qanoq Kalaallit Nunaanni Eqqartuussiveqarneq pillugu Isumalioqatigiisit suleqatigaat? Tassa Naalackersuisut siunnersuisoqatigiit qanoq akulikitsigisumik ataatsimeeqatigisarpaat, qanoq akulikitsigisumik siunnersuisoqatigiit ataatsimiittarpat aamma qanoq akulikitsigisumik siunnersuisoqatigiit suliaat ilanngunneqartarpat Naalackersuisut inatsisinik atortitsineq pillugu suliaqarneranni?**

Pinerluttulerinermi inatsisit aamma eqqartuussisarnermik inatsisit pillugu Namminersorlutik Oqartussat naalagaaffiullu oqartussaasuisa akornanni ataqatigiissaarisarnissaq Kalaallit Nunaanni Eqqartuussiveqarneq pillugu Siunnersuisoqatigiit isumagissallugu siunertarivaat. Siunnersuisoqatigiit 13-nik ilaasorta qarput, taakkunannga 2 Namminersorlutik Oqartussanut sinniisuupput. Siunnersuisoqatigiit minnerpaamik ukiumut ataasiarlutik ataatsimiittarput.

Siunnersuisoqatigiit innersuussuteqartarput, taakku Naalackersuisut inatsisinut atuutsitsinermut susassa qarfimmi suliaqarnerannut akuutinneqartarput.

Inussiarnersumik inuulluaqqusinga



Anthon Frederiksen